

祝枝山手寫正德興寧志稿本

現代中國社會主義運動之研究

祝枝山手寫正德

興寧志稿本

祝枝山手寫正德興寧志稿本出版說明

正德興寧志四卷，明祝允明手稿本，共四十頁，每頁十八行，每行二十一或二十二字。原書蝴蝶裝，二冊。

一 祝允明（一四六〇——一五二六）字希哲，號枝山，長洲（今江蘇省蘇州市）人。詩文作意超脫，不依傍門戶，與當時唐寅、文徵明、徐禎卿稱吳中四才子。書法小楷謹嚴渾朴，草書筆勢飛動，爲有名書家。曾官興寧知縣，有政績，具見明史卷二一八六本傳。

本書卷目如下：

卷一 郡縣建置沿革 分野 疆域至到 城隍 鄉都 山川

卷二 官署 學校 廟壇 宮室 坊陌 津梁 步寨 寺觀

古蹟

卷三 戶口 風俗 人材 科第 物產 征賦

卷四 職官 文辭 雜記

明代以前，興寧縣志，有無纂述，已不可知。祝氏自序謂其

所修正德興寧志係以成化末年殷君興的興寧志殘刻本（當時已無

全書）爲參考，組織了屬員劉天錫、王希賢、李庠、張天賦等進

行纂修，由祝氏領導規劃，遂告完成。此書刻本流傳極少，故明

史藝文志亦未見著錄。據我們所知，今惟溫州市圖書館尙藏正德

刻本第一卷一冊（缺卷二、三、四），此外全國圖書館均未見入

藏。

這部正德興寧志稿，小行楷書，大有鍾王筆意，舊藏王世懋家，有「瑯琊王敬美氏家藏圖書」印，後歸顧氏過雲樓，有「顧麟士」藏章。過雲樓書畫記稱其「序次謹嚴，考核翔實」。今由顧公碩同志捐贈蘇州市文物保管委員會。

我們取與正德殘刻本一卷相校，內容頗有不同：（一）稿本

原書有序文及目錄；刻本無之。（二）稿本每章有標目；刻本不

分章，無標目。（三）稿本記載較刻本詳盡，亦有較刻本簡略處。

（四）稿本有夾注和眉批；刻本僅有夾注，無眉批。由此可見，

此本或尚非最後定稿。然正德刻本僅殘存一卷，而此特完善，不

但爲現存興寧方志的最早本子，且爲一代書家的手稿，是值得方志研究者和書法愛好者共同珍視的。

蘇州市文物保管委員會 一九六二年四月

正德興寧志序

惠興寧之志

國朝以前有無不可知成化末邑人知上

石西州殷君興始為之王負外璉序言永樂間有詔

旨所備久而殘缺且燹于寇已無刻本正德乙亥余來知縣

事問之士庶獨有殷書木刻存其家印閱之脫簡甚多

又其中複重錯繆益甚極厭觀覽蓋弘治初又為縣令余

泰附益之而編刻苟忽思欲稍為繕葺未暇會方伯吳公牒郡縣令脩

補地志允明亦以是應命期且勉為之丙子冬承臺省檄治通志辭不

獲將自縣趨召因以意授弟子貢劉天錫王希賢李庠張天賦使以



殷書為本徵扣見聞補漏匡誤迄于今事為編以歸余舟中稍為之更
除比聯以成書四卷題曰正德興寧志以別于舊立義述文皆出余意獨
惜永樂之書未見也纂事如追亡搜匿唯力不貲刊繆若理疾恒病
不得其情矧乏日力焉免遺恨茲亦姑云爾、然而失於往者後有
得之可復續倘於來者固無庸言是則二者咸存乎後之人是歲冬
十二月二十九日乙亥長洲祝允明序



正德興寧志序目

第一卷

凡地有山川而後有人物有人物而後有君臣吏民國邑
之制制雖後且小必有之而後有以綱紀綴屬夫山川人
物者故首之

郡縣建置沿革

分野

疆域至到

城隍

鄉都

山川雖先且大謂其因封而別勢繫乎地制之下也故
次之

山川

第二卷

民物之所止政教之所發必有其地皆後世所作故又
次之

官署

學校

廟壇

宮室

坊陌

津梁

步寨

寺觀

故蹟

第三卷

地之所生唯人與物有人與物而後風俗形征賦興焉
故又次之

戶口

風俗

人材

物產

征賦

第四卷

道齊民事者史紀詠事物者言皆因地以有故又次之
其若不可遺且不可專書也者以末焉

職官

文辭

雜紀

正德興寧志第一卷

郡縣建置因革

史記漢書歷代史皆謂揚州惟通典
通志載之獻通考謂非

興寧縣在禹貢周職方為揚州之境春秋時屬越秦為
南海郡地漢為龍川縣地東晉始置縣并今長樂地為
興寧縣隋因之屬循州唐以齊昌縣省入南漢劉鋹改
為齊昌府以其子世鎮之宋熙寧五年一云開
寶四年復為縣
隸循州屬廣南東路元至元十三年立循州路總管府
仍屬焉後至元二十三年復為循州隸廣東道元貞元
年改屬惠州路泰定元年復隸本道元末土豪謝以

文據循州縣亦屬之既而何真殺以文有其地 洪武初
歸附 朝廷因之二年廢州為縣仍隸惠州府命縣
丞劉淵持印來創縣治

分野

天文女分野星紀之次其星翼軫其次鶉尾

疆域至到

縣去郡極遠

五百五十里餘

居東北之裔順壤東至逕心程鄉

縣界七十五里南至梓梔長樂鄉界七十里西至黃土
嶺長樂界二十五里北至蕉坑江西安遠鄉界二百

五十里東南至揭陽孫雞藤山界九十五里西南到
長樂練溪村界三十里西北到蒲竹徑長樂界四
十里龍川陽背五十里東北到程鄉石坑村界百五
十里東西廣百里南北袤三百四十里自東南距西北
百八十里西南距東北百七十里上至
七十里至 南系五千八百二十五里

城隍

舊無城圍築土垣僅二百丈以環邑治嶺東道倉廩
而已天順辛巳賊破縣治甲申藩臬請立城未就成

化丁亥冬知縣秦宏始徵民之有田者築之每稅石築城
尺有三寸明年戊子夏城成高十八尺有半圍六千二百
六十尺濶四門門為敵樓一旦以暖鋪樹以雉堞池深
七尺濶二十尺為三里苑加飭繕

鄉都

崇仙鄉在縣東北十五里和山村相傳有仙人經行因名
凡三方隅皆據縣治
言曰順仁鄉在縣南五里黃峒村曰太平鄉在縣西北七十里

縣自洪武己酉後立凡四十餘鄉既而江西安遠賊周二管作亂
攻破縣治居民竄徙繼以大兵平邊炊飯殆盡僅存戶二十餘

編爲二圖寄附長樂及知縣夏則中招攜流亡民雖欲集而病
官田稅重莫肯承籍其中請以官田減回民產完賦從之令民
耕業稍綴貫爲區五曰一都曰二圖曰四都曰五都曰六都後漸
墾闢復於一都內析置二圖六都析其羸益以徭人墾人之有
稅者置爲二圖遂爲編戶七里以迄于今而稱舊一都之二圖
爲上六都舊六都爲下六都

山川

神光山在縣西南七里高三十餘丈圍三十餘里形如展旂其脈
自長樂練溪村山來宋羅孟郊讀書山下粗見山有五色